

Лемківським

Витае

«І так бібліотека є, як того хоче Борґес, модель всесвіту, старае ся зроби́ти з не́й всесвіт на міру чловека, а припоминам, же бібліотека на міру чловека то означат тіж бібліотека радісна (...) і так бібліотека, до котрой ся ходит радо і котра поступово перемінят ся в великий простір для вільного часу, як Музей Модерного мистецтва, де мож піти в кіно, перейти ся по огороді, обізнати статуї і зісти повний обід. Знам, же ЮНЕСКО згаджат ся зо мною: «Бібліотека (...) повинна быти легко доступна, а ёй ворота отворены для вшыткых членів спільноты, котры свободні можут з не́й користати без огляду на расу, кольор скоры, національніст, вік, стать, віросповіданя, язык, цивільний стан і рівень осьвіты»

Умберто Еко

Історія

Найстаршы сліды бібліотекарства на Горлицыні сягают 1870 рока. При Товаристві Приятелі осьвіты в Горлицях існувала чытальня з 1500 творами. Осьвітню діяльніст в роках 1893-1939 провадил Гурток Товариства Народной Школи. Ёдном з важных бібліотек, які діяли до І вйны світової была Бібліотека Касиногого Товариства. Мала она свій осередок в будинку «Сокола» (тепер кіно «Віарус»). В 1925 році повстала Бібліотека Об'єднаня Ремесників и Купци, яка функціонувала під час окупації, а по вызволеню діяла до 1947 рока. В міжвоєнний час існували ищы інчы бібліотеки, м.ін. Бібліотека Жидівських Жінок, Випожычальня Книжок Юлії Канкоферівны. На території Глініка Маріампольского діяли дві бібліотеки: Касина Урядничого и Товариства Університетів Робітничых. Частину книжных засобів тых бібліотек спалили німці, частина опинилася в засобах Міської Публичной Бібліотеки в Горлицях.

Підставом для створіння бібліотеки на терені міста бив Декрет о Бібліотеках и Опіці над Бібліотечными Засобами з 1946 рока. Ухвалом Державной Ради покликано до існуваня бібліотечни комітети и в силу той ухвали створено в Горлицях 5-особовий Повітовий Бібліотечний Комітет з головою Владиславом Цебульским.

Бібліотека Повітова зачала свою діяльніст од зорганізуваня сітки бібліотек на території повіту. Завдяки помочи національных рад, осьвітньої влады и бібліотечных комітетів, тот акція ишла дос скоро. Урочысте отвертя бібліотек Горлицыны одбыло ся в 1949 році. Сітку 12 пляцівок становило: 1 Бібліотека Повітова, 2 Міскы Бібліотеки, 2 Гмінны Бібліотеки и 52 Бібліотечны Пункты.

Горлицку Бібліотеку зареєструвано 27 лютого 1948 рока під назвом Міска и Повітова Публична Бібліотека в Горлицях. 4 мая покликано до жытя Повітову Публичну Бібліотеку як окрему пляцівку.

Першого вересня 1948 рока керівником Повітової Бібліотеки выбрано мгр Станіслава Габриеля.

В початковій фазі діяльності бібліотеки (роки 1945-1948) ишли работы скеруваны на удосконаленя доступу до книжковых засобів. Прислужыли ся товдиль першы бібліотекаре: Вільгельміна Стахнік, мгр Марія Мушиньска, мгр Станіслав Габриель, Марія Войтасевич.

В 1955 році дишло до обєднаня обох горлицких бібліотек и з того часу діє єдна Повітова и Міска Публична Бібліотека в Горлицях.

В 1973 році з огляду на утворіння гмін як адміністраційных одиниць зашла необхідніст змінити назви и характер бібліотек. До існуваня покликано Бібліотеки Гмінны и Дочірны. Пляцівок било товдиль 35, які ділили ся за таким схемом: 1 Повітова и Міска Публична Бібліотека в Горлицях, 1 Бібліотека Міста и Гміни в Бічу, 11 Гмінных Бібліотек и 20 Дочірных Бібліотек, а тіж 50 Бібліотечных Пунктів. З 1 червня 1975 рока в

результаті впровадження адміністративної реформи горлицька пляцівка прийняла назву - Міська Публична Бібліотека.

Першого червня 1999 року горлицькій бібліотеці, як єдиній з перших в Малопольським воєводстві присвоєно функцію повітової бібліотеки.

Контакт

Телефон: (+48) (18) 352 19 62

Факс: (+48) (18) 354 07 74

Адрес e-mail: bibliotekagorlice@interia.pl